



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Litterae Fideliter interpretatae de Armenico in Latinum quas Catholicus Armeniorum Domino Papae Innocentio destinavit.

urn:nbn:de:hbz:466:1-20006

DE ALCOBATIA...DE SEIZA
Abbatibus, & F. Menandi monacho
Alcobatie.

Epist. 215.
De eodem ar-
gumento.

O Vid scribamus Priori & fratri-
bus sanctæ Crucis super contro-
versis gravibus & diversis quæ inter ip-
sos & Colimbriensem Ecclesiam agitan-
tur, ex litteris apostolicis patentibus,
eis directis, pendere poteritis evi-
denter, quas per sollicitudinem vestram
ipsis omni contradictione & appellatione
cessantibus exhiberi volumus & jube-
mus. Quamvis autem coram vobis, qui-
bus examinationem negotij sub certa
forma recolimus commisisse, testes utrin-
que producti fuerint & recepti, quia
tamen de causa non constitit nobis ad
plenum, per apostolica vobis scripta di-
strictè præcipiendo mandamus quatenus
receptis adhuc aliis testibus, si de ipsa-
rum partium processerit voluntate, si
quos super privilegiis, libertatibus, vel
aliis articulis duxerint producendos, &
usque ad diffinitivam sententiam, remo-
to appellationis obstaculo, proceden-
tes, gesta omnia nobis sub sigillorum
testimonio per vestrum fidelem nuntium
transmittatis, ad festum omnium sancto-
rum proximè futurum diem perempto-
rium assignantes, quo recepturæ senten-
tiam per se vel per procuratores idoneos
nostro se conspectui repræsentent: ad
quem si qua earum venire contempserit,
nos nihilominus, quantum de jure pote-
rimus, procedemus. Testes &c. per cen-
suram ecclesiasticam cogantur. Quòd si
omnes &c. duo vestrum &c. Datum ut
suprà VIII. Kal. Decembris.

ARCHIEPISCOPO MAGVNTINO,
Episcopo Sabinensi.

Epist. 216.
Vt ab injusto
& illicito jura-
mento Cano-
nici Herbipo-
lensis absol-
vantur.

Officium creditæ nobis administra-
tionis exposcit ut non solum cor-
rigamus ea quæ perperam fuerint atten-
tata, verum etiam illos qui contra eccle-
siasticam honestatem & sanctorum pa-
trum constitutiones temeritatem suam
non metuunt exercere, ne impunitas
nocentium pariat delinquentes, animad-
versione debita puniamus. Ad audien-
tiam siquidem apostolatus nostri per-
venit quòd C. quondam Hildemensis Epif-
copus cum Herbipolensem Ecclesiam
temerè occupasset, inter alia quæ nimia
temeritate ductus nequiter attentavit, à
Canonicis ejusdem Herbipolensis Ec-

Vide suprà,
epist. 101.

clesiæ exegit ut post ejus obitum fami-
liæ suæ duo millia marcharum se promit-
terent soluturos, & ab eis juramentum
obtinuit quòd antequam illæ marchæ
solverentur illis quibus ipse persolvi
mandaret, successori ejus nullatenus
obedirent; subsequenter etiam sugge-
rens eis quòd pro successione Herbipo-
lensis episcopatus quidam conspirassent
in mortem illius, similiter postulavit ab
eis ut eidem eligerent successorem. Cu-
jus petitioni Canonici annuentes, ad
electionem hujusmodi faciendam sex de
suis confratribus elegerunt. Qui cum
Monasterium Episcopum elegissent,
præfatus C. fecit Canonicos ipsos tactis
sacrofanctis evangelii juramento firma-
re quòd electioni jamdictæ nullo un-
quam tempore obviarent. Quoniam igitur
tam enormem præsumptionem nec
possumus nec debemus sub dissimulatio-
ne transire, fraternitati tuæ per aposto-
lica scripta mandamus atque præcipi-
mus quatenus, si præmissis veritas suf-
fragatur, omni contradictione & appel-
latione postposita, auctoritate nostra
prædicta juramenta tanquam illicita de-
nunties non tenere, & illis quos tibi con-
stitit taliter juravisse, de illicitis jura-
mentis condignam pœnitentiam & satis-
factionem injungas. Si qui verò contra
formam hujus mandati nostri tibi duxe-
rint resistendum, eos ecclesiastica seve-
ritate percellere non omittas. Datum
Laterani VIII. Kal. Decembris.

LITTERÆ FIDELITER
interpretatæ de Armenico in Latinum,
quas Catholicus Armeniorum Domino
Papæ Innocentio destinavit.

Vobis, qui estis caput post Chri-
stum, consecrati ab eo, & Caput
Catholicæ Ecclesiæ Romanæ matris om-
nium Ecclesiarum, adeo prudentes &
sancti, quòd debetis esse in loco Aposto-
lorum sublimis Papa, & vobis sanctis
Archiepiscopis, Episcopis, Cardinali-
bus, Presbyteris, Clericis, & omnibus
qui sunt de vestra sancta Ecclesia, salu-
tem & fraternitatem. Pax Dei sit inter
vos. Gregorius homo Iesu Christi per
gratiam Dei Catholicus totius Ecclesiæ
Armeniorum, filius vestræ sanctæ Ec-
clesiæ, quæ est fundamentum legis to-
tius Christianitatis. Scia's quòd nos Ar-
chiepiscopi, Episcopi, Presbyteri, & Cle-
rici oramus Iesum Christum, qui est

Epist. 217.
De corona ro-
ne Regis Ar-
menie.
Vide Royal-
dum ad an.
1198. §. 28.

Epist. 218.
De corona
Regis Ar-
menie.

caput omnium nostrum, ut servet vos & vestros ab omnibus malis: quia cum vos, qui estis caput, estis incolumes, nos, qui sumus corpus, bene valebimus per vestram benedictionem. Noveritis, Domine, quod ad nos venit nobilis, sapiens, & sublimis Archiepiscopus Maguntinus: qui nobis attulit ex parte Dei, & ex parte sublimitatis Ecclesie Romanae, & ex parte magni Imperatoris Romanorum, sublimem coronam, & coronavit Regem nostrum Leonem, & nobis reddidit coronam quam nos perdidimus a longo tempore, unde nos fuimus elongati a vobis, & nos recepimus eam libenter & cum magno gaudio, & inclinamus & regratiamus Deo, & sanctae Romanae Ecclesiae, & alto Imperatori Romanorum. Sciatis, Domine, quod ipse nobis monstravit vestra praeccepta, & nos ea multum libenter audivimus, & libenter volumus legem & fraternitatem sublimis Ecclesiae Romanae, quae est mater omnium Ecclesiarum; & nos solebamus eam habere, & nunc eam habemus, & libenter volumus esse ad vestrum mandatum; & firmiter sunt ad mandarum vestrum omnes Archiepiscopi, Episcopi, & omnis Clerus nostrae Ecclesiae, qui sunt in multis terris, & sunt multi per Dei gratiam. Et nos rogamus vos ut oretis Deum pro nobis, quia nos sumus in ore draconis & in medio inimicorum crucis, & inter eos qui sunt naturaliter inimici nostri. Et nos vos rogamus per Deum quatenus nobis mittatis tale adjutorium & tale consilium quod nos possimus conservare honorem Dei & Christianitatis & vestrum. Quia postquam nos sumus vestri, & vos estis memores nostri, efficiatis tantum erga nos, quod nos gratias referamus Deo, qui nos redemit sanguine suo, & quod gratiam agamus sanctae cruci Domini nostri, qui fecit totum mundum. Iesus Christus defendat vos & omnes vestros ab omni malo, & nobis det vestram benedictionem.

GREGORIO CATHOLICO Armeniorum.

EX eo te radicatum in fide catholica & esse Catholicum non tam nomine quam merito experimur, quod apostolicae sedis magisterium recognoscens, eam Ecclesiarum omnium matrem & nos caput universorum fidelium confiteris; sicut ex tuarum nobis innotuit

ferie litterarum. Nosti etenim privilegium Petri, quod sibi Dominus universas oves suas pascendas, vocabulo terribi repetito, commisit, *Pasce*, inquit, *oves meas*, & super universos ei ligandi & solvendi contulit potestatem, dicens ad eum: *Quodcumque ligaveris super terram, erit ligatum & in caelis; & quodcumque solveris super terram, erit solutum & in caelis.* Nosti etiam prerogativam apostolicae sedis, quae per merita beati Petri, etiam non tempore, auctoritate tamen inter Apostolos primi, non constitutione synodica sed divina inter omnes Ecclesias magisterium obtinuit & primatum, fundata super immobili fundamento, de quo Paulus Apostolus inquit: *Fundamentum positum est praeter quod aliud poni non potest, quod est Christus Iesus.* & de quo Veritas in evangelio inquit ad Petrum: *Super hanc petram aedificabo Ecclesiam meam, & portae inferi non prevalebunt adversus eam.* Petrus siquidem post Christum potest intelligi pastor unus, & Ecclesia universalis, ovile unum: de quibus Dominus in Evangelio protestatur, *Alias*, dicens, *oves habeo quae non sunt ex hoc ovili, & illas oportet me adducere, & vocem meam audient, & fiet unum ovile, & unus pastor.* Sanè lapis ille angularis, quem reprobaverunt aedificantes, factus postmodum in caput anguli, faciens utraque unum, Iudaeorum populos & gentium nationes in unitate Christianae fidei coëunivit, Ecclesiam ex utriusque constituens non habentem maculam neque rugam: quae ne post ascensionem ejus secaretur in partes, & ne unitum in ejus fide divideretur ovile, uni commisit Apostolorum principi gubernandam, quem solum sibi Dominus & in officio vicarium & in magisterio constituit successorem. Hoc autem tua fraternitas diligenter attendens, ac sciens quod secundum Apostolum omnes unum corpus sumus in Christo, singuli autem alter alterius membra, nos, quos Dominus, licet immeritos, Vicarios suos esse voluit & Apostolorum principis successores, Caput Ecclesiae confiteris, & te ac fratres & coepiscopos tuos partem nostri corporis recognoscis, sciens quod sicut palmes non potest fructum facere a semetipso, nisi manserit in vite, sic & membrum & sensu caret & actu, si non in corporis permanserit unitate. Gaudemus ergo non modicum quod in fide

Epist. 218.
Responder su-
periori epi-
stolae.